

Mensahe 7

Ang Nahulma sa Sulod sa Mga Magtutuo

Basahong Kasulatan: Gal. 1:15-16; 2:20; 3:29; 4:5, 19;
Efe. 3:17a; 2 Cor. 3:18; Rom. 8:29; 12:2a

I. Gipadayag sa Bag-ong Tugon nga lalom nga nalambigit si Cristo sa atong pagkatawo ug nagtinguha nga duna Siyay subjectibong relasyon kanato—Gal. 1:15-16; 2:20:

- A. Gipadayag sa Dios ang Iyang Anak kang Pablo ug kanato—1:15-16:
1. Mahinungdanon ug importante kaayo ang pulong *ipadayag* sa Galacia 1:16.
 2. Ang ipadayag mao ang ipahibalo (ibutyag) o dayag nga ipakita (ipasundayag) ang butang nga gitago.
 3. Sa Bag-ong Tugon lalom nga gigamit ang *ipadayag* nga may kala-botan sa atong espiritu—Rom. 1:17; 8:18; 1 Cor. 2:10; 1 Ped. 1:5; 5:1.
 4. Ang pagpadayag sa Dios sa Iyang Anak kanato diha man sa sulod nato; dili kini sa dayag kondili sa sulod, dili sa dayag nga pananawon kondili sa pagkakita sa sulod.
 5. Ang tinguha sa kasingkasing sa Dios pagpadayag man sa Iyang Anak kanato aron makaila ta Niya, makadawat Niya nga atong kinabuhi (Juan 17:3; 3:16), ug mahimong mga anak sa Dios (1:12; Gal. 4:5-6).
- B. Makita nato sa Galacia 2:20 ang labing sukaranong kamatuoran sa pamatigayon sa Dios—dili na ako ang nabuhi kondili si Cristo ang nabuhi sa sulod nako:
1. Segun sa pamatigayon sa Dios, sa pagkalansang ni Cristo sa krus nalakip ta Niya; nahuman na kining kamatuorana—Rom. 6:6; Gal. 2:20; 6:14.
 2. Namatay na ta sa kasugoan ug nabuhi ngadto sa Dios pinaagi sa organicong pagkausa ni Cristo—Juan 15:4-5; 1 Cor. 6:17; Rom. 12:4-5; 1 Tes. 1:1.
 3. Nagpasabot ang “ako” sa Galacia 2:20 dili lang ni Pablo kondili sa matag usa nato, ug ang panghimatuod ni Pablo panghimatuod sab nato:
 - a. “Gilansang na ko sa krus uban ni Cristo”—v. 20a.
 - b. “Dili na ako ang nabuhi, kondili si Cristo ang nabuhi sa sulod nako”—v. 20b.
 - c. “Ang kinabuhing gikinabuhi nako karon sa unod, gikinabuhi nako sa pagtuo, sa pagtuo sa Anak sa Dios”—v. 20c.
 - d. “Sa Anak sa Dios, nga nahigugma nako ug nitugyan sa Iyang Kaugalingon alang nako”—v. 20d.
 - e. “Unsay makabulag nako? / Wala, kay ang gugma Mo / Hangtod man sa kataposan! / Makig-usa, magsakot, / Ako Imo, Ikaw ako,

ANG NAHULMA SA SULOD SA MGA MAGTUTUO

Mensahe 7 (sumpay)

/ Hingpit gayod nga usa; / Magpamatuod's gugma Mo: / Mag-usa nato's dayon!"—*Mga Alawiton*, #152, estansa 4.

II. Gilansang sa krus si Cristo (Gal. 3:1) aron motubos nato gikan sa tunglo sa kasugoan (v. 13) ug moluwas nato gikan sa daotan nga relihiyosong dagan sa kalibotan (1:4), ug nabanhaw Siya gikan sa mga minatay aron mabuhi Siya sa sulod nato (2:20) ug mahulma Siya sa sulod nato (4:19).

III. Gipakita sa Galacia 4:19 nga si Cristo ang nahulma sa sulod sa mga magtutuo:

- A. Si Cristo, nga buhing persona, maoy gipunting sa ebanghelyo ni Pablo—1:16; Rom. 1:1, 34.
- B. Ang pagsangyaw ni Pablo pagpahimugso man ni Cristo, nga Anak sa Dios nga buhi, sulod sa mga magtutuo—Gal. 1:15-16; 2:20; 4:19.
- C. Nabuhi na si Cristo karon sa sulod nato, ug mahulma Siya sa sulod nato—v. 19.
- D. Nagbati si Pablo aron mahulma si Cristo sa sulod sa mga magtutuo alang sa hingpit nga pagkaanak nila—vv. 5, 19.

IV. Sumala sa paggamit ni Pablo sa Bag-ong Tugon, nagpasabot ang pulong *porma* sa pagpadayag sa pagkatawo nato sa sulod (Fil. 2:6); mapadayag ang pagkamao nato sa porma nato, sa ato pa, ang pagpadayag sa pagkatawo nato sa sulod.

V. Ang mahulma si Cristo sa sulod nato kana mang mahingkod si Cristo sa sulod nato—Gal. 4:19; Efe. 4:13-16:

- A. Una, gipanganak si Cristo nganhi nato sa paghinulsol ug pagtuo nato Kaniya, unya nabuhi Siya sa sulod nato sa atong Cristohanong kina-buhi (Gal. 2:20), ug sa kataposan, mahulma Siya sa atong sulod sa pagkahamtong nato.
- B. Ang mahulma si Cristo sa sulod nato kana mang patuhopon Siya sa atong pagkatawo ug pasuropon sa mga bahin nato sa sulod—4:19; Efe. 3:17a; Col. 3:4, 10-11:
 - 1. Sa maokupahan na ni Cristo ang pagkatawo nato sa sulod sa ingon niini, mahulma Siya sa sulod nato—Sal. 51:6.
 - 2. Pasuropan gyod nato ni Cristo ang tanang bahin sa pagkatawo nato sa sulod; okupahan gyod ta Niya ug suropan ang atong hunahuna, pagbati, ug pagbuot—Fil. 2:5; Efe. 3:17a.
 - 3. Kanang mapanag-iya ni Cristo ang tibuok natong pagkatawo pagkahulma man Niya sa sulod nato—Gal. 4:19.
- C. Aron makabalay si Cristo sa atong kasingkasing, kinahanglan makapuyo Siya sa sulod nato, ug nagkinahanglan kini nga pabalayon nato si Cristo sa tanang bahin sa pagkatawo nato sa sulod; kini ang mahulma si Cristo sa sulod nato—Efe. 3:17a.

Mensahe 7 (sumpay)

- D. Kanang mahulma si Cristo sa sulod nato pagpaokupar man sa Espiritung malangkobon-sa-tanan sa tanang bahin sa pagkatawo nato sa sulod—Gal. 4:19; 3:23, 14:
1. Dili lang nga pakaylapon nato si Cristo sa atong hunahuna, pagbati, ug pagbuot; mahimo gyod unta Siyang hunahuna, pagbati, ug pagbuot nato—Fil. 2:5; 1 Cor. 2:16.
 2. Mokunhod gyod unta ang tanang dili Cristo, ug mahimo gyod unta Siyang tanan nato sa atong kasinatian; kini ang mahulma si Cristo sa sulod nato.
- E. Ang mahulma si Cristo sa sulod nato kana mang masagol si Cristo sa tibuok natong pagkatawo—6:17:
1. Sa tanang bahin sa atong pagkatawo, masagol gyod unta si Cristo kanato—Efe. 4:23.
 2. Tuhopan ug suropan gyod unta ta ni Cristo hangtod hingpit Siyang masakot nato; mahulma dayon Siya sa sulod nato—3:17a; Gal. 4:19.
- F. Ang pulong ni Pablo bahin sa pagkahulma ni Cristo sa sulod sa mga magtutuo nagpasabot nga giumolan tag Cristo—Col. 1:27; 3:4, 10-11:
1. Nabuhi si Cristo sa sulod nato, gihulma Siya sa sulod nato, ug nahimo Siyang pagkaumol nato; nabuhi si Cristo sa sulod nato karon aron organico tang maumolan Niya—Gal. 2:20; Col. 3:4, 10-11.
 2. Sa kapulihay, maumolan sa elemento ni Cristo ang tibuok natong pagkatawo, kay umolan man Niya ang tanang bahin sa atong kalag aron maato ang Iyang porma, ang Iyang dagway, sa tanang bahin sa atong pagkatawo—2 Cor. 3:18; Rom. 8:29.
- G. Nitakdo ang pulong *mahulma* sa Galacia 4:19 sa pulong *dagway* sa 2 Corinto 3:18:
1. Organicong nagbuhat si Cristo ug ang Iyang elemento sa sulod nato aron maato ang Iyang porma ug mapadayag ang Iyang dagway—Rom. 8:29.
 2. Ang pagkahulma ni Cristo sa sulod nato nag-agad man sa pagkatransporma nato sa Iyang dagway—2 Cor. 3:18.
 3. Ang pagkatransporma nato sa Iyang dagway ug ang pagkahulma Niya sa sulod nato magpasama man nato sa Iyang dagway; ang pagkasama nato sa Iyang dagway lugwa man sa pagkahulma Niya sa sulod nato—Gal. 4:19; Rom. 8:29.
- H. Ang mahulma si Cristo sa sulod nato kana mang mabag-o ang tulo ka bahin sa atong kalag—atong hunahuna, pagbati, ug pagbuot—12:2a; Efe. 4:23:
1. Aron mabag-o ang atong hunahuna, pagbati, ug pagbuot, suropan gyod ni Cristo ang atong hunahuna, pagbati, ug pagbuot ug pulihan ang atong kaugalingon ug ang kalibotan sa Iyang Kaugalingon—Rom. 12:2a.
 2. Kon mabag-o ta sa ingon niini, naay dagway ni Cristo ang tanang bahin sa pagkatawo nato sa sulod—2 Cor. 3:18; Rom. 8:29.